



碩園詩彙目錄

鮑集

琅邪王

吳惟夏著

孫良穀編錄

卷之二十 壬寅

筆華

鄴城行上樵關李夢沙農部

陳子靜孚示予見懷之作率爾奉酬二首

春日寫懷四首

飲次谷齋玉蘭花下偕顧伊人

贈孫孝維

讀朱白民先生建文書法擬有感

虞山即事偕端士九日異公憐民伊人虹友及
舍弟次谷二首

三月望日錢遵王招同端士諸子拂水山莊社
集分韻得十三元

偕九日伊人夜宿秋水閣

三月十六日宗伯錢牧齋先生曲飲胎仙閣偕
朱長孺錢遵王趙徵仲及端士諸子是日牧翁
出所題太原文肅相公南宮墨卷傳玩讚歎因
成首唱敢次原韻四首

是夕與錢夕公馮定遠鄧肯堂及端士諸子再
集遵王述古堂分韻得十一尤

村舍書所見

和李爾公贈春詩即次原韻二首

九子篇九首 有序

官粥行

將赴南州應家印周學憲之召四首

京口發舟

阻風天寧州

上司農周櫟園先生四首

醉中歌贈周靖公

采石三首

梁山

蕪湖晚泊

繁昌道中

空灘

荻港紀事

舟次銅陵縣

江行口占五首

九月

一枕

黃石磯

阻風午泊二首

初入江右界

彭澤縣

自彭澤縣至吳城鎮舟中作六首

題吳城望湖亭六首

上學憲印周宗兄四首

署中頤壽堂落成詩以紀之

仕境仙都詩四首 有序

上弦宴集觀劇二首

佛手柑樹

賦得秋夢次先弇州公原韻

雨

雁

南昌署中即事四首

晚秋風日清美衙齋兀坐弄筆得十絕句聊以

遣悶

夜坐二首

飲席觀劇四首

將發南昌

石亭寺

鈞天閣

宿葦江書院

烏山

瑞州道中雨

入筠陽署初見菊花蓋月餘在南昌所未覩也

筠州六首

讀唐人詩偶題三首

碧落堂吊文信國即次原韻二首

綠筠堂次二蘓原韻

花塢貞泉詩次李空同韻有序

藍將軍廟歌

驟馬路次岳武穆原韻

三先生詩三首有序

閱瑞郡誌畢題大愚山二絕有序

發筠州二首

高郵渡二首

豐城縣

新淦晚發

將抵峽江

舟中讀三山邵是龍詩江子藥園所見示也二

首

曉行吉水道中

玄潭觀次羅念菴韻三首

白鷺洲書院弔宋江古心先生有序

題歐陽文忠公祠次虞伯生韻

吉州七忠歌七首有序

二劉公詩二首有序

送姜暉發歸雲間

重送暉發

發吉州二首

萬安縣

萬安廂有序

牽夫行

惶恐灘二首

阜口江

虔州

輓陶永修次舍章叔韻

臘盡

除夕次吉州詩人王月川韻二首

卷二十一之上

癸卯

元旦試筆

鴛湖女兒曲

有序

春到

題虔州署中樓四首

有序

儲潭

攸鎮驛

良富河

大蓼灘

下灘

遊青原山淨居寺次黃山谷原韻

觀青原山顏文二公遺墨二首

有序

安成道中

維舟

樟樹鎮舟中即事次楊孟載原韻併效其體

市汊晚泊次李空同原韻

生米二首

回南昌署遂得家書知冲兒已殤黯然傷之兼

懷同學諸子

江子位初寄贈二律念予頗切詩以酬之

即東藥園

出署有懷同事諸子

鐵柱宮

滕王閣

瀘溪

左蠡

土目

舟泊彭蠡有懷次楊孟載原韻二首 有序

南康府

望廬山三首

江行四首

鞋山二首

小孤山

馬當山

舟中書懷二首

皖城

江頭

嘲柳

柳答

蝶破二首

魯港驛二首

蕪湖樵關二首

夜飲

抵白下苦不得泊

潤州

望惠山

許墅二首

客歸三首

碩園詩彙目錄終

碩園詩彙卷二十 壬寅

鄴城行上權闕李夢沙農部

我歌鄴城行鄴城自古多高才漳河之流日浩、銅
臺百尺殊崔嵬西陵鬱葱樹空在當年七子俱莓苔
天挺竒人謫仙侶奮起詞苑真雄哉青天秋踰威鳳
羽碧海出沒神龍顛珠璣組繡恣揮灑寧數班馬偕
鄒枚蟠胸星斗自璀璨鼓吹倡明更絕學五嶽三光
賴柱撐上邈孔曾下濂雒農部著有四書群言析衷同時壇墀稱
儒宗白陳姜郭王宋從鄴中八子並竒傑拔幟公尤

推首庸獲澤城邊頌聲廣茂宰名騰璽書獎邇來筮
榘重東南帝曰司農汝其往吳閭煙月正佳晨茂苑
鶯花亦可人喜遇鉅公臨勝地致令賤子拜前塵國
士之知得未有拂拭吹噓到枯朽謝府常容接麈談
庾樓時許陪尊酒握手千秋間共評豈惟能使小巫
驚浩氣雄風本天授黃河欲狹嵩山平嵩山黃河互
吞吐上下縱橫誰與伍今日文章有鄴城一掃曹劉
盡灰土

陳子靜字示予見懷之作率爾奉酬

作客吾生慣懷人爾意真絕憐新贈句猶憶未歸身
婁水書仍阻秦淮夢未親此時知兩地同是欲傷神

又

不謂睽攜久詩筒忽見貽梅花新歲酒桃葉隔年思
旅况歸逾見朋情別自知松窻明月在重與話心期

春日寫懷

奔走連三載難逢兩月閒齋中堪綠酒郭外似青山
岸幘看雲過扶筇聽鳥還從他人事惡此際且開顏

又

雨歇桃腮破風迴柳眼舒
簞瓢顏子巷沙竹杜陵居
小睡牕間日清言架上書
喜逢詩境美入手步庭除

又

何處供吟眺城闌玩物華
驚心偏歲序到眼又鶯花
霽色分千雉春煙動萬家
似聞新牧好父老競桑麻

又

天地方多事棲遲幸苟安
室俱空杼軸道已盡衣冠
幕燕憂原迫濠魚樂自寬
春醪如不竭千日醉非難
飲次谷齋玉蘭花下偕顧伊人

池塘春思正浴、劇喜相尋
有顧雍世事真成終日
醉故人剛是隔年逢檻前
白散花光麗瓮口紅開酒
色濃見說青山堪縱目
蘭亭佳會好從容

時伊人訂
予兄弟於

修禊日
遊虞山

贈孫孝維

詞壇三十任縱橫吳下風流最擅名
客數詩人何水部門稱才子謝宣城
青山筆底多生色黃絹碑陰有定評
寧獨傳家誇舊事嘯如鸞鳳賦金聲

讀朱白民先生建文書法擬有感

壬午龍戰秋忠孝遭烹屠地勢屬燕雲天意與之俱
嗟哉隆準孫行遜真良圖微子去朝歌泰伯逃勾吳
語迹雖稍媿論心竟何殊煌煌方鐵傳殉主寧嫌愚
可憐櫻逆鱗狼籍罹門誅甚至削帝號紀年稱革除
萑血能化碧南簡終難誣轉眼榆木川所得亦須臾
遺直出野史披讀生長吁磨洗叢幽光激懦廉頑夫
不見甲申歲銅馬陷帝都死者十數人降者繁有徒
叩首承天門或云半名儒將無士氣傷先在永樂初
乃知擁絮談草莽誠非迂自古興與亡均賴網常扶

高僧思雪庵老樵仰東湖感慨撫殘編酒盡燈花枯

虞山即事偕端士九日異公憚民伊友虹友及

舍弟次谷

每話青山色欲飛况逢良侶重依、言游墓側花爭
暖蕭統臺邊水乍肥拂蘚屢思題佛閣看雲偶為坐
漁磯回舟更喜餘樽在一路鈎簾盡翠微

又

時序雖過晉永和麗人還見水邊多儘宜韻事傳觴
咏亦有香風雜繡羅寒箔可憐因黛色踏沙無賴是

裙拖竹枝唱憶吳儂舊欲補虞山一曲歌

時欲與九日擬虞山

竹枝詞

三月望日錢遵王招同端士諸子拂水山莊社
集分韻得十三元

尚湖、水綠當門春盡重將禊事論三月鶯花晴帶

雨十年縞紵弟連昆勝遊未廁東山席

將謁牧齋先生

良會

先移北海尊最好日斜香草路青衫狼籍醉名園

偕九日伊人夜宿秋水閣

此閣名秋水誰曾住宿同三人清話裏一夜雨聲中

寒燭難難續飛泉聽不窮壁間題墨在拂拭仰宗工

三月十六日宗伯錢牧齋先生留飲胎仙閣偕

朱長孺錢遵王趙徵仲及端士諸子是日牧翁

出所題太原文肅相公南宮墨卷傳玩讚嘆因

成首唱敢次原韻

棟花風暖雨花微吟賞休嫌屐齒稀苔徑踏殘逢一
水竹陰穿盡見雙扉人從函谷瞻文字地似磻溪隱
釣磯回首紅塵朝市滿可能無憶芟荷衣

又

海濱百里動星芒履道池邊白傅堂子弟風流推羯
末文章典則在曾王朱欄畫閣鶯花日錦軸牙籤翰
墨場自幸駕才陪末座已蒙拂拭過孫陽

又

遇合風雲世莫如當年盛典尚弓車三朝國史勲無
憾四葉家聲慶有餘政府仰思調玉燭講筵遙想侍
金輿摩挲遺墨同欣慨鄭重標題制舉書

又

淹留薜薜興猶新落絮殘鷺好送春敢為酒多憎易

困總緣才薄媿難伸

杜詩方覲薄才伸

境當觸撥俱蕭瑟詩

到雕搜自苦辛他日武陵尋勝事身非漁父也知津

是夕與錢夕公馮定遠鄧肯堂及端士諸子再

集遵王述古堂分韻得十一尤

溪光嵐翠一堂收把酒俄成少日留客為江山頻感
慨主因書画益風流嬌生鸚鵡簾方午淨入琅玕簾
欲秋勝地幾人能共醉好將公讌擬應劉

公讌字借用

村舍書所見

罨畫綠楊村歸舟繫樹根林深飛翠羽溪暖浴烏犍

曉市湖魚賤春缸社酒渾經過頻此地羨殺話柴門
和李爾公贈春詩即次原韻

鶯聲柳色並爭先履齒相隨客似仙細草作茵晴入
望遙山如黛曉生憐賞花人倦雕闌倚載酒船輕錦
纜牽佳景江南剛穀雨阿誰能遣斷腸天

又

東風何處不尊前劇愛佳吟獨斐然白雪裁篇人共
羨紅牙按曲我猶憐小優顧生極為爾公所賞花疑臨水初窺豔
月憶嚙娥欲鬪娟此日揚州尋好夢李青蓮是杜樊

川

九子篇

予向有五君詠止及同閑晨夕之友其人則
周子倣肇許九日旭郁既登禾周孝威雲駿
王鴻調時泰蓋未嘗專以詩也庚子歲予方
坐事北行而里中刻太倉十子詩一集問世
遂濫廁予迄今兩載世多有稱十子者乃更
作九子篇志之仍重出其二云

周子淑迪吉

原名肇

汝南個儻姿詞壇執牛耳雕鏤既瑰竒漁獵亦宏侈
方其蚤蜚聲所當已披靡及乎登金臺晚達益精美
猶憶坐我堂吟灑共窻几神交慕呂嵇昔遊念高李
引領漳江濱人遠室空邇

王端士揆

太原風雅途沿流自疇昔倒指昆友間仲氏首開闢
變化既心胷芥腴更墳籍總角騰龍文弱冠搏鸞翮
譽噪公車門氣壯天人策牽絲尚需徐遠識故難迹
吾黨語典型舍斯更誰適

許九日旭

高陽最蚤慧綺歲蜚英文良驥下長坂健鶻盪蒼雲
每當談藝時抵掌能空群浩然命翰管勇策詞場勳
我愛秋水篇俊逸如參軍結契二十年唱和今彌勤
豈曰世俗交離合徒紛紜

黃庭表與堅

江夏青雲儔夙昔抱起超識雅稱無雙名詎止百夫特
賦心既淵富詩律更嚴刻翱翔觀鵬路滄溟破鯨力
揮霍有餘才天衢竟先陟屈指知交中賴子生顏色

惠義諒不乖裁章寫胸臆

王異公撰

異公學道人淡蕩亦天性閉戶謝時囂秉心了無競
獨嗜五七言精思較聲病近體推入微長篇號臻聖
餘事及丹青丘壑見深靚翩翩棣萼榮後先互輝映
外朗內潤兼慈明叔慈併

王懌民拈

懌民天挺豪當今洵國器神理本軒朗風骨自英鷲
結駟走京都篇章動燕冀歸來北郭居吟嘯有深致
冥心事窮搜下語輒新異縱橫子墨林千秋乃其志
咄哉第五名何必減驃騎

顧伊人湄

鳳里擅絕學經師亦人師令子事風雅寔異表與箕
棲逸仍水鄉蒹葭寄遐思虞山宗伯公文章柄方司
淵源更窮撰詎止雕蟲辭伊予所仰止一卷冰雪詩
識君莫嗟晚歲寒期在茲

王虹友攄

虹友甫英齡藝苑歛高步突兀來竒思鏗鏘響佳句

奮筆追古人綽乎有餘裕正如渥水駒千里恣馳騫
又如虎豹生食牛氣全露我每對斯人覩馬媿遲莫
寄語諸阿兄火攻亦可懼

吾弟次谷曜升

吾弟工摘詞雋緒妙時吐蘭草無人芳蛾眉自然嫵
超詣洵所長擺脫更非苦以此嗣前薇固已望堂廡
而况墨池波餘潤亦吾祖薄劣如汝兄萬事何足數
我堶汝為箠有力且當努

官粥行

婁民千家萬家哭大小相攜吃官粥明知官粥吃堪
羞只為充飢勝枵腹城東更有青袍生衣衫藍縷街
頭行冷炙殘盃無處乞喫粥亦與飢民爭連旬收割
徒春麥怕殺驕陽正焦赤依稀記得辛巳秋斗米直
錢千一百此時官粥煮曾聞啼飢哭死日終、今年
流殍視之倍烏鳶繞郭呼其群可憐死者長已矣生
者不殊犬與豕死者溝壑信難甦生者魂魄終歸徂
去歲西成已先乏目下秧苗總難揀君不見村舍追
胥夜捉人有司新立催租法

將赴南州應家印周學憲之召

貧覺離家好秋宵又做裝有兒方疾病時沖兒病甚無客

不風霜累迫身難定飢驅意易傷漫勞親串意珍重

唱河梁

又

作客三年內愁懷已百端雪花曾薊苑月色每長干

臨眺才非窘家鄉計自難此行多地主旅泊或相安

又

豐城靈劍氣應起故人邊周子江東雋倪生白下賢

子做閣公俱在江右

分攜空隔歲聚集倘殘年肯學潘懷縣西

征乃喟然

又

若作依人計無如就我兄音書猶近地骨肉況高情

朔雁風前急江帆雨後輕重陽佳節近應達豫章城

京口發舟

京江臨鼓意徘徊翹首金焦亦壯哉遂有戍旗排岸

出可知戰艦映山來地形南北前朝史人物孫劉異

代才我欲醉歌銷感慨西風落日又相催

阻風天寧洲

帆欲趨揚子風偏起孟婆岸留人迹少潮雜雨聲多
蘆荻秋方動魚龍夜或過蓬窓殘酒熟未敢扣舷歌

上司農周櫟園先生

英袞東南擅三山有寓公經綸周柱史功業漢司空
名豈官階著文兼政治崇梁園賓客盛今古並雄風

又

聖主威何赫累臣績敢誇獄方興北寺黨似妒南衙
閩嶠風波惡燕臺涕淚賒金雞同日下魯記客天涯

辛丑之春予與先生同奉赦歸

又

屈指詞壇伯靈光獨巋然年華猶綠髮事業暫青編
北海風仍在東山望正懸趨陪隨令弟最喜醉芳筵

又

舊老名難得新朝論易平三年看國是九月戒王程
地本諸卿重官因再召榮蒲輪方在道蚤晚慰蒼生

醉中歌贈周靖公

酒徒吾黨誰稱尊周郎一石能鯨吞白波快捲世無

敵王生見爾辟易亡精魂夙昔歡場樹旗鼓夜郎自
大稱盟主今朝百罰更添籌病藥狂花始知苦男兒
生世遭途窮馬能絲紘得失爭鷄蟲求仙學佛既無
分讀書飲酒真英雄君家藏書五千卷錦軸牙籤本
稱善飲君之酒讀君書老子於此興不淺燈前舞醉
後歌五侯七相俱么魔濁醪至理飲真性斯意知者
何無多邂逅如君業傾倒痛飲豪吟可終老慷慨休
將髀肉悲蹉跎莫被頭顱惱明朝便作豫章行珍重
旗亭執手情期君花底春缸熟我正歸舟遇石城

采石

夜月乘舟宮錦袍放歌李白氣何豪而今蕭瑟寒江
上尚有蛟龍起怒濤

又

吳山立馬竟無成雍國祠堂已著名莫恠當年劉信
叔病中猶自媿儒生

又

牛渚天門險並分開平曾此立竒勛可堪血戰江山
在一壑漁歌日暮聞

梁山

不盡長江勢山於此地爭潮通姑孰浦岸對歷陽城
雙闕高峰影千帆逆水聲無端思泰岱日觀亦齊名

泰山有天門日觀
峰此亦名天門山

蕪湖晚泊

向晚鳩茲路關梁次第通可憐纔渴日其奈尚闌風
僧寺江雲裏人家水氣中關心身世事漁笛更孤篷

繁昌道中

秋江蕭瑟總銷魂十里蘆花半里村風得潮聲晴轉
怒日因沙色午猶昏城荒祇見烏啼壘驛冷兼愁水
到門剩有赭圻形勝在行人指點說桓溫

空灘

小泊空灘上潮來戰鼓聲江虹窺岸近野燒接雲平
煙起篙師飯風催估客程青山看不盡愁絕放船行

荻港紀事

維舟入煙港日斜步村市前江後枕山千家屋新起
村叟指山巔云是鳳凰里當年竒鳥百呼噪擁而至
有鳳鳴高崗其凰啄清水我聞瑞鷗生鍾靈世難从

飲惟竹實甘棲必倚梧美如何荒江濱嬉游肯來此
得母德已衰或亦野鳥似徐聽村叟言一朝鳳他徙
崗亦仍靠菟水非復清泚鳳來何其遲鳳去何其駛
終然凌紫氛不作鷄鷓止乃知神物殊示現須臾耳
昔稱鳳凰臺石城自高峙題詠遍豪賢名蹟已如彼
吾州雙鳳鄉相傳事竒詭僻在東海湄瑛細無人紀
搜拾得斯山瑰異更堪喜嘆息南嶽禽千仞想高士

舟次銅陵縣

帆歌風力送衣慢浪花侵到岸山仍近沿堤路自深

魚蝦江作市蘆葦屋成林李白祠何處城荒不可尋

江行口占

連宵風逆船難上今日帆開慰客顏最好晴天秋浦
路蓬牕臥望九華山

又

枚臯自劇觀濤興郭璞偏多作賦才千古文章雄壯
地何人到此不心開

又

誰教風色怒陽侯雪屋銀山映柁樓同是紅旗吹動

處上江船笑下江愁

又

絲、水兒與鮫人煙霧蒼茫辨未真却聽篙工齊下
拜銀袍白馬過江神

又

莫恠江心捲急湍收帆方覺濟川難只今舟楫風還
起吟嘯何人似謝安

九月

九月途中破風帆颯、秋衣添霜信近酒減客心柔

草木江淹恨關山杜甫愁扁舟還悵望何日到洪州

一枕

一枕餘殘夢千山送曉行帆隨孤雁影江捲暮秋聲
細雨池陽驛寒潮皖口城連宵隨路宿自倚客囊輕

黃石磯

黃星紫氣總荒唐枉把舒州作戰場片石江心磨洗
在酌杯殘酒話寧王

宸濠東下將攻安慶泊舟是磯
惡其音似王失機遂殺導者

阻風午泊

長江一葉最堪危身在舟中總不知今日却從江岸

看分明風浪已多時

又

蒲帆幾幅眼前過莫羨東行棹似梭惡浪如山儂不
管日斜高枕聽漁歌

初入江石界

江程今日已南州尚有濤聲聽未休暮雁潯陽天外
落曉山湓浦雨中浮丹壑綠壑詩人宅畫棟珠簾帝
子樓名勝會看前路近即今清夢欲滄洲

湖口縣道中

封埃遙連楚波濤近帶吳山樾歌不斷帆葉遠如無
地削雲生石天空雁落湖射蛟遺浦在煙雨亂菰蒲

射蛟浦在縣治東南十里一名黃牛沈
即漢武帝潯陽射蛟處也蘇子由有詩

彭澤縣

作令殊難解辭官却不遲羲皇人自在晉宋我何知
酒德同康節詩家得伯夷至今彭澤縣千載尚餘思
自彭澤縣至吳城鎮舟中作

不識西江路忽吟豫章行草木方變衰扁舟下湓城
初見小孤山斗絕江心生崑崙起竝然竒在無枝撐

遠近峰連殊弭服莫敢爭其下俯高浪碎泝魚龍聲
碧沙長潰澁赤石交縱橫攬茲江山勝深我懷古情
劃然發清嘯直使神鬼驚悲風益颺戾四野鷓鷯鳴
又

玄月風景殊川途正瀰漫白露晚未晞鷓鷯宵仍喚
燈火明空灘菰蒲隱頽岸泛瀨驚海狝哀號感江鶴
嗟此東逝波眷彼西飛翰擾々舟楫間意緒轉零亂
憶昨出門時締綌尚流汗荏苒逾兩旬寒節行將換
人生百歲中暄涼自相半行役奚足悲々來渺無畔

殘更披衣起惻々坐長歎欲問夜如何推蓬視衡漢
又

夙齡負竒氣恥為俗務牽富貴心所期踈狂性難悛
忽然嬰網羅家破身顛連去年寓白下前年客幽燕
今年走跋々復上江西船苦被衣食驅奔走無息肩
追撫疇昔志欲化灰與煙每思塵世間逝晷如長川
青歲易摧頽束縛殊堪憐幾時脫樊籠歸臥婁城邊
卜宅得一區買田得一廛水竹足清娛朗咏衡門篇
微尚苟或遂何必求神仙

又

起柁秋江湄，征鷁更西走。洲景佇澄澹，嵐姿吐竒秀。
參差檣有烏，雜沓帆如鱗。覽物興悲思，昔匠知非謬。
轉蓬隨長風，荒蹊竄離獸。淒涼莊鳥吟，飄泊鍾儀奏。
吾儕誠小人，懷土易心疚。回首江東天，雲濤暗晴晝。

又

倏而大孤近，竒絕更堪寫。彭蠡千萬山，突兀如斯寡。
我來遊勝地，心目覺清灑。長年競歌笑，輕槳快於馬。
蒼茫日脚黑，宛轉虹鬢赭。忽憶明太祖，龍戰在其下。

殘旗朔風吹，廢廟腥潮打。把酒追興亡，悲哉懷古者。

又

朝望匡廬山，夕宿鄱陽渚。棹歌赴中流，湖程本容與。
隱、見丹城歷、覩蒼嶼。經過闐闐區，停橈暫延佇。
鳴篴正激朗，朔管亦酸楚。蜀觚並吳艗，嘈噴異鄉語。
向晚發哀音，千家更砧杵。極目霜天鴻，飛鳴詣何許。
蓼蟲已忘辛，萍梗任所處。曾記杜陵詩，自古有羈旅。

題吳城望湖亭

湖心亭子倚高空，萬頃煙濤八面風。看盡鄱陽三百

里可無杯酒哭英雄

又

龍王古廟昔曾聞訪覓空悲日暮雲遍把斷碑捫更

讀不知誰是戒蛟文亭前舊為順濟龍王廟有碑刻宋御製戒蛟文今亡之矣

又

千艘香火地猶衝誰向荒祠祝小龍記得殘編標祀

典彭湖一道宋朝封順濟龍王即宋所封彭蠡小龍也王惲有彭蠡小龍記甚詳

又

海陵紅粟昔曾談此地靈竒比亦堪倘道神倉今可

借願天移去在江南周益公廬山後錄云望湖亭之左有穴如井異時湖中或損米

舟則見於穴中謂之神倉

又

雲旗風馬暗祠堂禱祀家、競酒漿自是土人呼不

謬睢陽功豈讓汾陽傍有廟祀睢陽土人悞呼為張令公廟

又

蘇公石弩收藏後東坡自儂耳歸過此地羅解重題

復此廳解春兩羅一近代南臯留記在亭中石刻為鄒忠介公所

作亭記 端宜喚作四賢亭

上學憲印周宗兄

一代風騷將千秋禮樂儒妙年看峻擢壯志喜長途
鷄樹名偏著龍門望自符却說方射策已覺桂林殊

兄以春秋第一
人舉於禮闈

又

門祚推江左詩才冠水曹鳳凰聲自美騷裏步方高
筦庫才能重河堤職業勞朝端諸老在爭解呂虔刀

又

此日乘軒出搜才遍豫章儒官原榮戟憲府更風霜

絳帳圍鈴閣青山映筆床廬陵方在轄朗鑑自歐陽

又

何意泥塗裡提攜復此行顧深如國士情切為家聲
書信三年面風帆半月程相依遊宦地駢服倘同情
署中頤壽堂落成詩以紀之

衙齋新起讀書堂一帶青山映粉廊曉幕蘭風催授
簡午牕蕉雨助飛觴陸機祖德傳原舊荀顛慈親侍
正長最喜佳名移勝地

堂名兄故
讀書處

不教閣子讓滕王

仕境仙都詩

先曾祖奉常公宦江右時先曾伯祖弇州公
書來謂匡廬在屋上彭蠡在屋下當是仕境
仙都夫仙都未易到也矧仙都而出於仕境
耶歲壬寅宗兄印周學憲較文其地予從遊
焉因作仕境仙都詩呈兄併索諸同人和韻
長江西去有仙都仰面匡廬俯瞰湖千里翠屏收五
老一天白浪鏤雙孤斜分曉色能涵楚驟捲秋聲欲
撼吳此日使君乘傳到不將星渚換方壺

又

千里章江似帶來天留樓閣擬蓬萊筠河水脉從西
滙湓浦山形向北開暇日官僚多逸興清時賓客盡
雄才共知今昔論文地自有龍光接上台

又

厭原秋色莽蕭蕭、滿眼江山勝最饒自是文章應得
助便教兵火也難銷郡因襟帶提封壯宦似神仙位
業高此地群真原窟宅卑官莫倚說王喬

又

前賢遺跡到今留儘許吟囊次第收南紀山川多秀

麗東湖人物總風流亭思孺子名還古圃覓雲卿迹
亦幽棲逸近添仙吏傳衙齋高枕即丹丘

上弦宴集觀劇

書廳雲淡月如鈞最愛燒燈樂事稠客裏清尊淹永
夜座中白袷畏深秋玉杯行罷人皆醉銀管吹來字
欲愁終宴更看歌舞換不知身在古洪州

又

天涯把酒一霑裳每聽清歌意易傷湓浦蘆花連夜
雨秣陵楓葉隔年霜

去年此日
予客長干

江山此地秋方老兄

弟他鄉夢自長醉折茱萸思預挿倍愁明日是重陽

佛手柑樹

青瓷來異種堂敞最宜觀蒼筤香原重娑羅蔭更寬
法身權寶樹仙掌似銅盤不作南州客青々未得看

賦得秋夢次先翁州公原韻

梧桐窻冷月痕黃想像空閨夜未央無影自能為暮
雨有情還欲惱朝霜單衾擁處愁多少絕塞回時路
短長天半忽聞哀鴈語抵他錦字寄瀟湘

兩

客中秋欲盡今夜雨方知漫喜桑林禱先悲雲漢詩
時方剪燈聽不厭支枕話應宜忽憶鄉園事家、獲
稻時

鴈

燈影澁秋光寒聲忽斷行宿應臨太液飛已別衡陽
嘹唳原雲水差池偶稻梁傳書何日到憐爾犯風霜

南昌署中即事

自入章門後羈棲感正增客因閒易覺書以寄難憑
秋氣千山葉鄉心半夜燈惟餘新月挂爛醉我猶能

又

水國寒偏早金風正沈寥依床添蟋蟀映幌減芭蕉
燭短吟方歇堂空酒忽銷慙懃思昔夢未覺故園遙

又

客把何須問衙齋日自長湖山秋入座烏雀晚栖堂
遊屐終成冷詩籤暫遣忙時、飛動意慷慨拂干將

又

朋輩生平嗜他鄉倍藹然同為千里客每話五更天
賭酒宵爭健攤書午各便獨慚官署裏飽飯作頑仙

客中秋欲盡今夜雨方知漫喜桑林禱先悲雲藻詩
時方剪燈聽不厭支枕話應宜忽憶鄉園事家、獲
稻時

鴈

燈影澁秋光寒聲忽斷行宿應臨太液飛已別衡陽
嘹唳原雲水差池偶稻梁傳書何日到憐爾犯風霜

南昌署中即事

自入章門後羈棲感正增客因閒易覺書以寄難憑
秋氣千山葉鄉心半夜燈惟餘新月挂爛醉我猶能

又

水國寒偏早金風正沈寥依床添蟋蟀映幌減芭蕉
燭短吟方歇堂空酒忽銷慙懃思昔夢未覺故園遙

又

客把何須問衙齋日自長湖山秋入座烏雀晚栖堂
遊屐終成冷詩籤暫遣忙時、飛動意慷慨拂干將

又

朋輩生平嗜他鄉倍藹然同為千里客每話五更天
賭酒宵爭健攤書午各便獨慚官署裏飽飯作頑仙

晚秋風日清美衙齋兀坐弄筆得十絕句聊以遣悶

翠屏丹嶂鬱千盤曉起鈎簾倦倚闌漫道西山色好幾時能到上頭看

又

秋老江城木葉稀蕭齋無那月如珪愁看彭蠡居陽鳥歲暮傷心更北飛

又

月館花城古豫章空同詩句不曾忘今朝笑殺身親

到日寒廳步夕陽

又

聘君亭畔舊風流下榻方欣地主留却怪章江門裡路懷歸似有仲宣樓

又

浦雲山雨足徘徊咫尺滕王閣自開獨使千秋傳快事馬當風色子安才

又

歲隄窳莫鎖齋居藥裏書籤伴未踈冷解只如僧寺

裏堪將鈴柝比鐘魚

又

殘編閱罷日初移
蟲蟄霜飛恰此時
萬古陰陽爭剝
復微言何處問希夷

時方讀易

又

中聖方聞放午衙
清香一盞到窓紗
歸時記與吳儂
道九月先嘗橄欖茶

又

三尺鱒魚色似銀
街頭買笋不論斤
盤中倘更霜螯

脆豈作當年憶鱠人

江右多魚笋而少蟹

又

南方嘉實橘成叢
霜後金衣顆、同回首
家園風味美此時
也有洞庭紅

夜坐

寒蟬啼徹耿銀缸
酒入愁城氣已降
屈指十年無此事
菊花時節伴寒窓

又

萬感偏從枕上生
披衣重起坐殘更
當年老杜曾留

句也道秋天不肯明

飲席觀劇

廿年空自譜宮商此夕纔聞真弋陽愁殺旋波呈舞
罷更翻邊調入伊涼

又

新腔何必廢龜茲急拍哀笳也足悲漫說傳頭何境
好悞人清唱是吳兒

又

一聲哀艷一聲愁攪遍鄉心可自由正是荻花楓葉

候身疑司馬在江州

又

紅牙按處淚潛、青塚琵琶意暗關腸斷八年前此

曲離魂今欲到雲間

巖宴後與姜子暉散及
含章宗叔偶話舊事

將發南昌

客裏重為客明朝別灌城江山空在望鞍馬忽成行
夢更歸途遠裝猶到日輕所知行旅慣不必問前程

石亭寺

只此禪林地孤吟興自豪墻頭還傑閣門口即輕舟

山色秋爭瘦波光晚欲高
踈鐘聞歷歷知為醒塵勞

釣天閣

高樓軒敞映雲霞面對江山勝倍加
宛爾丹青供一望依然煙火列千家
魚龍檻外秋吞浪鴈鷺窓前晚浴沙
彷彿洞庭聞樂地人間竒麗不須誇

宿章江書院

即次秋風落祠空似驛亭深宵杯色綠
冷院燭光青雨過堪邀月人來擬聚星
從公詞賦美慎莫歎飄萍

烏山

此地洪州盡征途望欲迷
橋長遲渡馬村僻迥聞鷄
雨脚還仍舊山形轉向西
筠陽前館在未宥怯衝泥

瑞州道中雨

江天愁浩蕩風雨路間關
敗葉皆秋氣哀笳更旅顏
泉聲齊赴壑雲勢不分山
行役惟應羨林栖暮雀閒
入筠陽署初見菊花蓋月餘
在南昌所未覩也

餐英難覓向天涯乍見清規寺裏花
自是洞山添景色

色詩心原屬小蘇家

小洞山在郡城內其地有清規寺蘇子由謫監筠州酒稅時與

郡守毛國鎮採菊其地吟詠甚富相傳小洞秋英為筠陽八景之一云

筠州

望蔡名區自昔聞青山繞郡氣氤氳津梁勢接虹千
尺星野先生斗四分地引楚吳原面水城開南北總
侵雲一方勝驟身親覩最喜停鞭尚夕曛

又

層層蟠屈幾山川碧嶺參差錦浪圓已見鳳凰收紫
氣還看螭竦界蒼煙幽崖月落題詩寺古洞雲生煮
藥泉多少圖經新檢遍卧遊今亦小春天

又

名賢遺蹟此邦存韻事從來好並論元亮墨池連石
室子真丹竈在沙村綠筠堂古莓苔冷翠樾亭空鳥
雀喧長老更奇居士對分明西澗伴東軒

又

石鼓遙看聳塔峰泮宮碑記出南豐千家色起絃歌
內萬古心留俎豆中山影正來飛鳳右池形恰傍進
龍東不知橐筆青衫客可有當年四俊風

又

嵐氣江光萬井浮頗聞土美足淹留魚苗乍種潮偏

喜蠶戶多封雨未憂入饌竹胎肪似玉開罌挂酒色
如油官厨每愛香椀軟不枉從來喚米州

又

玄都鸞鶴恍聞聲煙駕空中想像行十里嶺因騎席
穩千年湫為釘去聲蛟平峰名高秀家兄妹觀號祥符
宅甥甥洞壑未遙靈跡在欲從指點學長生

讀唐人詩偶題

洪都先有施希聖筠郡還生沈子文自是神仙吟詠
處西江風月許平分

又

玳瑁鴛鴦衽婦怨旌幢簫管憶仙謠詞壇莫漫輕中
晚此地唐音未寂寥

又

絕非雙井舊家風別有開山手不同詩學江西原幾
派千秋只解說涪翁

碧落堂弔文信國即次原韻

太守風流不可攀相傳攜客樂清閑儘多煙雨登臨
處絕好樓臺嘯詠間檻外人家開竹國簾前雲氣出

荷山追思通日添悲感欲把荒碑別鮮斑

又

滄桑陵谷幾多般
弔古懷賢豈等閒
柴市精靈生死外
厓門血淚廢興間
千秋青史完餘事
一夢黃冠失舊山
落日不堪詢往蹟
滿林楓葉正斑斑

綠筠堂次二蘇原韻

堂額仍因郡千年
影上墻露梢風裊
細煙節月移長
勝地標題古名賢
翰墨香當年棊酒
在遙憶未荒涼

花塢貞泉詩次李空同韻

明正德間華林盜陷郡城通判姜公榮妾竇

氏善惠全印死節處

截嶠瑞州城
下貞姬廟其傍祀九女
同時死節婦女九人俱附

祀捫碑散清嘯
村名花塢香泉色
銀牀耀至孝
有曹

娥千秋竝垂照

藍將軍廟歌

岳武穆部將也破曹成時戰死於筠郡人祀

之

紹興中原阮陽九烽火筠陽城失守天挺英雄號岳

戾少年金印懸如斗樓子莊頭夜半兵黑山群賊俱
枯朽繡旗白馬黃戰裙部曲更得藍將軍見敵身輕
勇成癖倉皇轉鬪方斜曛角聲沉々鼓聲顛突圍已
盡膏間箭可憐馬革裹殘軀却在筠州不在汴休論
曹成與李成浮圖拐子亦虛名傷心最是朱仙鎮萬
室千家盡哭聲班師無奈金牌至兩河豪傑色如死
徒聞冤獄構東窓賜旗埋投精忠字我來煙草錦溪
傍父老相傳古戰場荒土有時尋斷鏃酸風猶似射
金瘡回首錢塘濤正濶少保豐碑自松枯同負黃龍

痛飲心小朝廷豈容求活生落日寒江薦渚蘋只今香

火走村民景行坊底康王廟羞殺當年南面人

城中景行

坊有宋帝
康王廟

驟馬路次岳武穆原韻

在錦溪之傍上有一崗為岳武穆題詩處

誓掃黃巾怒兩眸戰酣鐵馬汗方流山河滿目空悲
晉禾黍傷心更痛周二聖遊魂終朔漠孤臣遺恨自
神州只看片石留題在已想燕雲唾手收

三先生詩

筠志有三先生祠祀晉陶靖節宋文信國明
劉文成蓋三先生者不同迹而同趣其祀筠
之由則陶為故里文劉皆以官也不知何年
或增入朱晦庵夫子而四之夫紫陽俎豆海
內固宜然於筠似無當焉予小子幸遊茲土
敢仍舊蹟敬作三先生詩用表景仰微志云

陶靖節

晉士有陶公襟韻百世師康惠洵同塵夷皓寧殊姿
矯然漢周間惟採薇與芝獨是居尋陽顏誅明著之
筠乃起而爭謂為生在茲桑梓宜豐鄉歷々誠無疑
亦惟節行高所以祠廟宜尉山祀子真異代同心期

文文山

宋未有忠臣文山自千古當其出守時嘯詠亦斯土
竹庵野人廬遺踪尚堪數奈何錢塘潮不似昆陽雨
勤王碧血殷抗節丹衷苦坐卧小樓中一死酬君父
煌々衣帶言仁成義兼取同心謝疊山後學王炎午

劉文成

劉公天人姿蚤歲仍卑官何異未飛龍方作污泥蟠

嗟彼佞命臣遇主良亦難或云仕是邦秘書借僧看
用以贊興王丞實開其端乃知枳棘棲徃々有鳳鸞
遺廟香火存千載生長歎高安何足丞々哉重高安
閱瑞郡志畢題大愚山二絕

宋太府寺丞呂祖儉上書忤韓侂胄安置筠
州寓此自號大愚叟其墓在焉

收拾筠陽詩卷中偶然遺却大愚翁因思吾亦真愚

者莫恠東坡似次公子由詩我兄次公
狂我復長康癡

又

愚極方成真丈夫山名今日尚如初玉津園內人何
在只為當時不肯愚

發筠州

廬陵西望轉迢遙回首筠陽敬莫朝最是吟魂難別
處夕陽墻角滿芭蕉

又

他鄉書劍不曾閒結束登程又水灣共喜明朝帆腹
飽向南正有萬重山

高郵渡

蓬窓日落錦江清渡口人家一望平
停檝却愁前路迥亂山無數不知名

又

渡名入耳似高郵撒動風波不盡愁
記得兩年前此日客身原在古揚州

豐城縣

已覺人煙近沙灘望更長一江迴地脉
兩岸接嵐光疊浪侵檣白斜暉映堞黃
追思雷煥劍慷慨意難忘
新淦晚發

巴丘城下路風景暮堪憐驛送金川水
峰分玉筍煙荒江雲滄：柔艣月娟：畏聽吟笳散
霜燈坐悄寒

將抵峽江

山多城自小浪急岸仍幽白鳥煙中沒
青螺水面浮寒楓臨古渡夕火隱高樓
灘色愁將莫無心聽棹謳
舟中讀三山邵是龍詩江子藥園所見示也

快讀新安草悲歌亦我曹人因高士重詩
以異鄉豪四海聞羅隱千秋哭謝翱相看
天下事短髮不堪搔

又 此首專贈藥園

理學君原擅風騷我亦知門庭非各出朋友總相思
閩海人千里婁江夢一時蓬窓飛雪夜聊喜盡深卮

曉行吉水道中

大好推篷起清晨看雪山林猶迷莽蒼波正照潺湲
天意陰晴半詩懷醉醒間吉陽行入望準擬慰愁顏

玄潭觀次羅念庵韻

貢江豐水畫圖看仙夢飛來月未殘依約洞天三十

六數敲鐵笛倚闌干

唐呂仙曾題詩於此有何必洞天三十六之句

又

踈籬野蔓透江村小泊灘頭水氣昏剛是夕陽無賴

甚雁行低處照啼痕

又

江上雲迴曳作衣長亭短堠望中微舊為公館今廢斬蛟遺

跡今安在空想旌陽劍影飛

其地又為許旌陽鑄劍處明初蘇平仲有玄潭

古劍歌今觀後有試劍石相傳明成化間中官取去

白鷺洲書院弔宋江古心先生

先生以丞相出知吉州建書院於白鷺洲上
延歐陽巽齋為諸生師厥後興廢不常至乙

酉而又燬中丞蔡公巡撫江右遍檄所屬自
滕王閣外如白鹿鵝湖濂泉諸處書院一
修復於是白鷺洲亦與焉董其役者郡守李
公也

昨行玉峽邊今止貢江隅清旭散千山明晦態連珠
中有二水分沙渚森茭蘆居人指點言厥地為名區
相國江文忠曾此招生徒當時絃誦聲欲嗣泗與洙
我昔讀宋史板蕩傷皇圖止水留餘芳萬古臣綱扶
瞻仰復斯地堂宇猶規模巋然劫灰餘不與颺塵徂

知賴守土賢修葺開榛蕪珍重白鷺洲誠足廉頑夫
題歐陽文忠公祠次虞伯生韻

歐陽傳誦已多年聞說西陽有舊阡事業三朝看宋

史文章八代見唐賢堂名異代楊胡並

吉有三忠堂祀公與楊忠

兼公邦又胡忠簡公銓而為三周益公曾作碑記

官蹟當年蔡賴遷日暮林

漿遙真處風流追想尚依然

吉州七忠歌

前朝壬午靖難死節不屈者吉州共得七人
蓋翰林編修吉水王公良沛縣知縣廬陵顏

公瓌濟陽教諭吉水王公省衡府紀善泰和
周公是修大理寺丞永豐鄒公瑾御史永豐
魏公冕御史廬陵曾公鳳韶也予閱郡乘感
其節烈作七忠歌以弔之

太史仰藥真竒忠山河未破身先終不見烽火金川
紅沛令守土籌最工臣節自寫詩句中夜半伏劍城
樓東有子死孝隨乃翁廣文赴義仍學宮諸生慟哭
當西風升堂伐鼓聲鑿々明倫二字如散矇王官殉
國推周公抗疏論事開喑聾臨危別友捐微躬遺編
觀感千秋功矯然廷尉出永豐叫閭力請誅奸雄一
時憤激侍御同願遊地下偕臧洪精魄欲化雙長虹
繡衣正氣干蒼穹成仁取義心所崇剖襟瀝血書丹
衷名與湫儷俱無窮

二劉公詩

二公皆吉郡安福人也明正統天啓兩朝先
後以忤閹慘死

翰林侍講劉公球

在昔英宗朝絲缸蔽朝曦刑餘竊國柄言路聲皆雌

吉州出竒人慷慨酬君知深居默然念社稷闕安危
太史豈冗官尸素安可為抗章殿上陳直氣形鬚眉
葵藿性非矯丹石心難移請室含沉寃碧血裾淋漓
事蹟道自伸終古聲不虧龍泉祭忠壇臯羽同稱竒

揚州知府劉公鐸

熹廟弛王綱奄禍更無極累朝培養士相繼被戕賊
公時守維揚忠憤正填臆丈夫自有口肯效寒蟬默
是非三代公聊寄於筆墨豈知妖魅徒大獄方鉤織
西曹白日昏東市青天黑國事不可言臣身固當殛

長揖謝逢干同遊庶生色嫉惡得斯人千秋仰遺直

送姜暉發歸雲間

章江門口水如練涼風初起見君面吉陽灘頭水聲
咽歲暮關河與君別漫唱驪駒白玉珂送君此日悲
蹉跎憶昨衙齋忽攜手延津會合知非偶李君沈子
才皆匹生花更得江郎筆主人伯仲吾弟昆爰偕大
阮朋為七午夜寒廳官燭紅細把文章究粗密意豁
神傾快同事晨夕杯觴恣游戲月下曾聯玉峽舟兩
中時並筠陽騎一朝捨我返鄉閭自云往就淮陰試

勝侶愁同山水捐佳遊苦為功名累眼看書劍欲長
途不覺離筵易霑醉歎息遭逢各有時似爾青雲定
須致獨我羈棲作遠征危灘亂石又前程別君已是
銷魂候况復鄉書寫未成君今歸路應無阻大好江
平漾柔艣曉日初臨閭闔城晚潮正落春申浦花散
鶯啼再出門冰霜豈若虔州苦羨殺東還去莫留可
堪南上轉心憂淒涼尚滯陳蕃榻感慨重登王粲樓
酌酒與君且住荒江雲凍雪如絮

重送暉發

三月聯床話相知始覺真那堪將別地却對欲歸人
客伴非前路鄉書尚隔旬年來萍絮感江岸一沾巾

發吉州

風帆獵獵、贛江秋欲往虔州別吉州又是客程添日
記青原一點在船頭

又

來時吉水城邊過今日揚帆更泰和總為去留俱是
客不愁前路有風波

萬安縣

古縣相傳築仙人記尚留

南唐時地中得石符一峽有漢八分書云地界兩川

神秀所蟠更為都邑萬民以安縣之得名由此

城西通嶺路河下進灘舟風

氣常疑廟江聲尚吼牛

牛吼江水自泰和來

五雲何處望日暮

一空洲

五雲洲在贛江濱

萬安虎

舟泊萬安縣城下水夫來云是月三日方午

有五席咆哮至共搏一牛戍卒以礮擊之斃

其一餘俱逸焉藥園謂予曰虎陰精也深山

茂林乃其窟穴張牙爪以為搏噬計固所宜

耳今於通都大邑中羣隊來去是可怪矣予

感其言詩以志異

萬安城頭震金鼓道上喧呼市有虎鋸牙鉤爪望成

群子毋雌雄其數五怒眼眦四射紅天昏草木舞

腥風想因狐兔搜俱盡更欲牛羊攫一空城邊健兒

突相遇短兵長殺如星布火礮爭颺霹靂聲俄者攔

撮如山仆風毛雨血片時飛甫落罝罟氣力微可惜

脅旁徒乙字却因口腹喪雄威僵者雖擒傷者走依

舊猙獰踞林藪我經此地重驚疑不覺長吟屢搔首

泰山哭墓昔曾聞白晝誰來猛獸群
千室瘡痍新起色俱稱境內得神君
乃知異類終難徙渡河北去虛言耳
已化牛哀豈識兄竟為封邵何須死
自古皆云席嚙人不如冠者較尤真
君看魃魃方當路枉殺江南百萬民

牽夫行

讀萬安令澹園李公牽夫行惻然傷之因亦
有作

船頭旗吹北風夕理檝篙工笑歌噴撇漩
梢潰號最能放灘不怕中流石其間獨有
牽夫悲少者伶俜老者憊百丈繩牽總難
上沙深沒髀行仍遲十人九人衣露肘應
役絀旬少糧糗富戶猶然顧倩難貧兒痛
楚惟身受昔年驛遞盡銷已愁殺排門日
夜當此地官差方絡繹何時休養事耕桑
歎息生民賤如土無辜竟代斃黥苦傷心
最是送官軍長刀砍背鞭如雨吁嗟乎五
雲城下水長流誰作哀歌邑李侯李侯仁
心今罕儔庶幾古之元道州

惶恐灘

黃公竟改名惶恐總在東坡句裏搜

本名黃公灘因土人音轉而訛

耳東坡南遷過此有地名惶恐泣孤臣之句後遂相仍不改云

自是地因遷客重何

妨赤壁在黃州

周郎赤壁在嘉魚縣東坡所賦赤壁在黃州本名赤鼻絕非古赤壁也

又

天笛惶恐對零丁千古文山尚有靈吟罷蒼然亭下

句灘聲如哭不堪聽

阜口江

地勢千山峙灘殼兩郡連廟興原似剗驛廢或因遷
飢雁衝寒照孤猿出亂烟扁舟無藉在吳詠意茫然

虔州

不覺炎方到虔州在眼中百灘章水下一嶺粵山通
城郭連南服舟車會北風尉佗遺壤近控制想英雄

輓陶冰修次含章叔韻

詞場曾覩奪先籌誰道嵩邱倏爾遊五柳未成元亮

隱一轡空作廣文留

冰修官天台學博正鄭廣文謫地

赤城旅夢賔

朋隔黃浦歸魂道路悠落日正垂隣笛泪可堪章水

更東流

臘盡

殘臘今朝盡天南首重回牀頭猶舊曆屋角已新梅
鄉夢濃偏短家書遠未來登樓嫌淺把剩有饒年杯

除夕次吉州詩人王月川韻

歲莫官衙夕照斜閒身聊復數林鴉百年世路肱三
折一日吟懷手八叉室內茶香常宿火窻間筆凍自
生花鄉園千里登樓在只恠青山直北遮

又

極目青山直北遮客中休感歲華加扶頭酒是愁時
敵快意文如癢處爬香散凍梅穿壁脚暖迴晴鵲開
簷牙天涯此日團筵話不覺凭闌正晚霞

碩園詩彙卷二十終

碩園詩彙卷二十一上

癸卯

元旦試筆

薊北昔年曾栢酒
虔南今日又椒觴
良朋正好過佳節
新歲何須在故鄉
地少雪霜銷臘意
城多梅柳報春光
翠屏晚對情無限
欲忘扁舟下豫章

鴛湖女兒曲

鴛湖女兒者張氏字宛西家故青樓也歸進士雲間陸君左臣陸大張誓死守不半載竟以哀死宗叔含章與陸為故交於虔州署中

述其始末甚悉

駕湖流水碧於酒夾岸韶光映垂柳芳風吹去五茸
城弱翠輕羅好姿首裊々亭々十五餘綠窻宛轉鎖
閒居粧成阿母褰帷笑每詫生兒玉不如蛺蝶黃鶯
滿階砌樓前漫許稱秦贅得繫青驄却屬誰江東才
子攬雲裔女羅原欲附喬松恰遇蕭郎密意通合歡
衾並同心扇移入深閨笑語中春宵纔受明珠聘連
枝遽折秋霜勁三載仍衝騎省哀進士先曾失偶傷
悼殊甚得疾以死
一官先劇文園病儂命如葉顏如花花紅葉薄恒咨

嗟王孫泉路寧再返情深誼厚何須誇舞衫疊罷空
箱裏瘦盡腰肢廢梳洗千年樂府華山畿與君雙生
願雙死遲死緣知匪為身埋來劍履况猶新徐州盼
盼分明有只少高吟白舍人此事堪憐亦堪妬流傳
彈指俄成故豔句誰撥李賀詩幽魂孰辨崔徽墓惟
餘斷粉與零香話破虔南午睡長官衙偶叙承平夢
惻惻還為倩女傷共嘆妍華今莫見更遭桑海多遷
變蕙心蘭質化為灰稗官失載張孃傳落絮游絲恨
豈無偶笑憑弔淚如珠君聽梁上孤栖鷺也似啾啾

哭敬瑜

春到

新年難割淚春到總憂端故國三千里明朝十八灘
江山將道路梅柳自攔干轉怕官衙宴張燈永夜觀
題虔州署中樓

虔州署中有樓頗極壯麗江子藥園擬名之
曰視遠李子苑公擬作柱聯云圖畫憑欄外
星辰拂袖間予與同事諸子登而樂焉計眺
覽嘯咏共得四十一日於將行也賦五言律

四章誌別

高樓連郭起仍倚鬱孤臺水自章江盡山從粵郡來
棟雲春正鎖帆雨暮方催難得同遊者抽毫只賦才

又

河山重複地極望興堪乘但喜雲煙薄寧愁霧雨蒸
攜書銷永晝呼酒駐良朋未必懷歸客棲遲竟倦登
又

莫謂非香土猶堪假日留螺邊雲隱現鏡裏鳥沉浮
塔影青山暮潮散碧樹秋鉤簾高卧處傲殺少交遊

又

自是江山勝魚之結構，雄閣應才子賦臺亦大王風。
地隔春天未人歸，夕暎中高吟何日再惜別感喪窮。

儲潭

北望長流急度江，此地分村通千嶺氣岸起百灘雲。
渚草迴春色檣烏倚，夕曛行上看輟棹簫鼓賽儲君。

攸鎮驛

行踪猶未定南下，忽如歸帆脚惟趨北江身稍向西。
灘多天易晚驛古吏應稀，漫憶前番過昏鷓亦亂啼。

良富河

灘瀨總難名郵籤又報程，帆輕隨鳥過雲沓傷山生。
別堡方吹角連屯未解兵，從來防守地險阻自天成。

大蓼灘

萬險來曾覩歸途畏再過，那知銷亂石却為漲洪波。
伏影窺蹲虎迴風起吼鼉，恍然思郭璞應解賦盤渦。

下灘

春江白浪正掀天，兩岸峰巒認未全。過盡危灘俄十
八日西打鼓喚停船。

遊青原山淨居寺次黃山谷原韻

夙簪愛靈境森爽銷氛埃觀此春原羨發興窮縈回
扁舟破晨光彌節城之隈改陸十里餘遷迤心顏開
夾道松千頭職職皆良材時聞天籟吹萬壑笙簫哀
尤喜見林杪碑兀撐層崖其倚列蘭若白石鑿為階
星辰宿畫楹雲氣栖雕棖相沿七祖家宗風未沉埋
龍象踞講堂法雨遍九垓能使遯世徒伴侶無疑猜
是日謁嘯峰禪師塔隨訪無可和尚伊予媿囂滓鉞根况拈茨兀坐五
笑亭啜茗纔三杯群峰出叅差遐覽忘形骸喟然弔

古人碑碣多崩摧登頓今吾徒襟屨仍趨陪稍上更
傾聽飛瀑聲喧豗厥名曰噴雪悅耳非淫哇一往遐
怪探多與猿禽偕觸景正賞心倏復吟歸來展轉睜
翠微苦被斜陽催何年續茲遊旬月長徘徊

觀青原山顏文二公遺墨

淨居寺方丈有顏魯公八分書祖關二字筆
畫道勁飛動頗似真蹟不知何人乃於其傍
妄添天寶十四年平原太守顏真卿書十三
字考之史乘則魯乃永泰中謫吉州司馬若

天寶末年方在平原起兵討賊何由至吉乎
且是天寶十四載當云載不當云年

魯公大字千秋在

山谷詩魯公大字
石筆勢欲傾摧

贗筆何堪與並

論寄語後來憑弔者莫從天寶認平原

其傍又有大書青原山三字則文信國題也

字法極瘦硬瞻仰之下令人肅然斂容

青原千仞絕躋攀鐵畫銀鈎字祖閔難得墨痕同化
碧標題重續宋文山

安成道中

眺望屢寒林舟行暝色侵
一旬天半雨九轉客中心
城憶吳年舊江看吉字深
往還風景在排悶倚檣吟

維舟

亂流經過又吉陽維舟野菜滿田黃
故鄉一幅清明

景換入新年易斷腸

江右氣
候殊早

樟樹鎮舟中即事次揚孟載原韵併效其體

汀洲落日逢漁叟漁家都住清江口
笛響鳴々神廟前鷓啼啞々官船後
船行村落到方知棹穩寧愁濤浪欺
翠驛紅亭詩裏盡煙蓑雨笠畫中詩
捲篷晚色

山如沐漫倚虛窻檢篇牘却見長年沽酒回沿岸提
壺問風俗春愁一片更難堪商女銀衫碧玉簪今夜
隣舟新月共不須吹火照寒潭

市汊晚泊次李空同原韻

客歲筠陽返曾傳此地舟可堪今日路猶是異鄉遊
帆逐輕鷗落江隨澹月流已知沽酒處渙火遍汀洲

生米

桃源漢父晉曾傳此地仙踪復宛然綠水一潭煙艇

過分明身到極玄天

昔人有漁人投生米於潭中捕魚不覺行至一石門遇髯叟曰

此非尔所宜來漁人駭而登岸則入水已三日矣故老謂此即西山天寶洞南門云

又

南渡旌旗未渺茫鐵山殺勢亦非常居人指點屯兵
處不說循王說鄂王

宋岳武穆與張俊等同破李成於其地鐵山乃俊軍號也

回南昌署遂得家書知沖兒已殤黯然傷之無

懷同學諸子

辭家曾幾時倏爾遷裘葛旅泊苦無悰塵務更膠轄
新年渡虔江風波客程濶芳草憶鄉園此時綠纔脫
南昌昨返裝憂思正切但忽接家中書陡覺神踈豁

開絨讀未終淚下轉難遏兒病吾方行吾歸兒不活
半載夢沉縣今知果分割殊含西河悲難效東門達
况復素心人相思邈天末昔為雲逐龍今作弦離管
言念握手期我駒未能秣臨風之羽翰何以慰饑渴
江子位初寄贈二律念予頗切詩以酬之

片語開絨見樽前更細吟風波遊子恨書札故人心
道爲千秋合交因兩世深家山猶夢裏難得是知音

即東樂園

同接鄉園信偏驚令子才慰親書細寫懷友句新裁
王粲思仍苦江淹別漫哀歸舟東下近春水會相催
出署有懷同事諸子

旗亭今夕又天涯不覺臨風劇嘆嗟別思可堪春正
早歸途與那月方斜他鄉伴饒飆思客下水船輕未
到家去住情懷都作惡中宵魂夢遶龍沙

鐵柱宮

魏峩祠廟肅香煙章貢千秋賴帖然不許蛟龍爭日
月獨從忠孝證神仙莓苔色暗銀牀側風雨聲寒鐵
柱邊見說祝釐前代事斷碑猶刻世宗年

滕王閣

章門傑閣倚雲端如練湖光指掌看吳楚地形通戶
牖衡廬山色隱攔干原知歌舞催人易益嘆文章閱
世難極望不堪千緒集故鄉煙水路漫漫

瀦溪

不覺吳城過湖程轉向東斜帆春為外短笛暮雲中
廟古林添黑江寒火失紅南康三十里明早顧西風

左蠡

湖勢分仍在山形倚亦斜荒村方暮雨冷廟獨春花

鷗鷺看心事菰蒲感歲華舊朝龍戰地空憶建高牙

明太祖戰鄱陽湖時泊此地與陳友諒相持者三日

土目

十里神林浦千帆左蠡湖地衝潮自急天截嶺偏孤

斷港橫沙樹殘雲亂水鳧山靈青眼在

土目山臨大湖巨衝浪激

如目遊賞媿窮途

舟泊彭蠡有懷次揚孟載原韻

二月十二日舟泊蠡彭偶翻揚孟載詩見一

題云二月十二日舟泊彭蠡南湖嘴風雨甚

寒憶吳中是日郡人皆試夾紗衣單羅扇往
范家園看杏花入春來此為行樂之首竊異
其時與地皆合漫次二絕句原韻

花朝衣扇試新裁記得吳中往事來今日推蓬成獨
坐夢魂猶想杏園開

又

舊詩吟罷淚沾衣空羨梳頭插翠微回首范家園裏
路南湖風雨正思歸

南康府

宮亭三百宛如池更見廬峰四面垂湖以帶江流自
濶山因遠郭勢爭竒銀河金闕青蓮白白為紅蕖玉
局詩我亦臨風懷祖德不嫌舟楫過遲遲

先皇祖麟
洲公嘗官

其地遺
蹟甚多

望廬山

望廬山廬山嵯峨高莫當山背青兮山面蒼陰崖九
江陽南康星渚鼉河渺與畔來楚往柁兼吳檣我今
挂席恣吟眺坐閱萬象開鴻荒倏疑身立宇宙外高
揖上古隱士先生匡曾聞香爐谷簾此山勝爭竒競

秀誇非常虹梁蜿蜒卧其上雪瀑掣曳飛其傍何況
中間戶牖各分處更綴蜜脾五百之僧房幾時獨携
瘦藤踏絕頂得與層霄笙鶴俱駢翔不啻排雲上叫
乎天閭手捫太白吞寒芒望廬山高莫當

又

望廬山廬山森秀動心腑空中幻出九疊屏九派寒
潮互吞吐峩然竝立青孱顏可招而來有峯五相傳
接天更紫霄其巔刻銘為夏禹後人登者龍門遷浮
游江淮沅湘亦千古大抵東南淑氣方盤旋於焉融

結神仙府章貢番禺多少山靈竒包蘊斯為祖儼如
堂室位尊嚴群峰羅列皆廟廡上窮雲表下湖淪飛
筇逐一能採取長窺黛色與金光每遇瓊芝和石乳
或時為道絕攀緣翠禽仰飛白猿俯亦覩松杉張爪
牙蒼龍攫兮錦蛟舞傍生瑤草碧琅玕羽客獲童拾
難數此山瑰異載圖經我欲寫之筆覩縷望廬山動
心腑

又

望廬山廬山往蹟堪留連廬山面目今千年朝望三

湖起濤浪夕望七嶺飛雲煙我聞遠公在東晉曾此
結社名白蓮永持以及宗雷輩一時迺得十八賢其
外淵明與靈運或招或擯殊相懸又聞草堂起傍遺
愛寺琴書竹石娛樂天前朝釋道示神幻更有赤脚
衲子周顛仙嗚呼古人不可作但見蟾烏出沒如奔
川平生雅抱禽尚志俛首寧受妻孥牽盧敖之扶王
喬烏每羨物外遊踰躔願言攝身茲山巔白晝飽聽
松風泉石深即向山頂眠仰者皓月當頭圓望廬山
堪留連

江行

三日匡廬下川長棹亦遲蚤者湖盡處恰值月生時
碧柂陶潛宅青山李渤祠未遊今遽別遙望益相思

又

煙雨長江路征人意緒荒遠峰疑斷岸急浪怯孤航
草暗黃牛泐沙寒白虎塘似聞歌楚調山鬼怨幽篁

又

望舟開鬱抱今日半江晴客棹剗花信鄉心忽艣聲
山長雲欲盡水濶岸初平故國春耕共愁聞布穀鳴

又

條爾潯陽近江心正上潮亂山春一片弱柳恨千條
吳楚程方湊親朋夢自饒悲吟蓬背月獨有鬢蕭

鞋山

豈是凌波步未平中流迤邐似生成船頭浪與江心
雨總作天邊響屨聲

又

百仞芙蓉儼畫圖舟人指點亦模糊年季把舵彭湖

裏不識鞋山是大孤鞋山即大孤山也今人多呼大孤山為鞋山而誤以立廟山為

大孤山

小孤山

八柱茲者一柱存中流突兀勢偏尊月明迅鷲栖山
頂風黑潛蛟洞門直與金焦同斗絕獨將江漢此
平吞相望漫說彭郎在雲影煙鬟總斷魂

馬當山

滕閣迢遙一夕登風帆每憶昔人曾所知才子文無
敵欲信仙翁事有憑馬跡亭空惟草亂水官廟冷只
孤燈經過甲古看天險愁把行藏問老僧

舟中書懷

客路如中酒春深每攤裘因思元亮宅早上季鷹舟
皖口雲初捲慈湖水自流峭風迴小鷺急雨漲空洲
散帙忘題壁推篷當去毅倚樓煙波殊淼漭何處望蘓

州

又

幕下原多病舟中亦寡歡人情憐范叔吾意學馮驩
泛梗傷衣食漂萍愧羽翰樹驚烏鵲迴原憶鷓鴣寒
弱柳風方細疎花雨未乾可堪愁似海哀角又江干

皖城

百里帆收忽水灣依稀風景近鄉關
花開皖伯城邊路雨洗喬公宅後山
古堞漫聽笳鼓競急灘偏羨鷺鷗閒
即看歸夢吳閭穩煙柳依依大好攀

江頭

江頭草密與花稀儘付銜盃對翠微
獨有客懷禁不得千條柳色上人衣

嘲柳

河畔青青報蚤春酒旗風底漫含顰
與情不管離鄉

客任折長條亂送人

柳答

瘦盡腰肢為阿誰古今離別苦難支
傷心自是兒家事不到河橋也不知

螺磯

嵯峨怪石俯危湍四面江山自鬱盤
風起潮聲吞洞穴却疑真有老蛟蟠

又

絕壁崩濤入眼驚英雄兒女古今情
婚姻吳蜀成遺

恨一種傷心白帝城

魯港驛

曉山初染鴨頭青沽酒停橈恰驛亭
追想前賢題詠

日墨花細雨濕窻櫺

飛

其地貫酸齋薩天錫皆有詩

又

江山遺蹟總難忘慘淡孤舟弔戰場
行到腥潮嗚咽處似聞舊鬼罵平章

宋賈似道師潰此

蕪湖權關

襍被蕭炎落魄餘漫隨估舶共躊躇
不勞津吏頻相

詰載得南州數卷書

又

贛州茉莉建昌蘭堪作江西土物者絕度欲携還又
罷正愁今日過關難

夜飲

采石磯邊醉不眠前宵彭澤也留連陶潛李白皆我
輩合喚長江作酒泉

抵白下苦不得泊

帆方牛渚下船忽燕磯移南國行將到西風不肯遲

江山晴颯飄草樹晝離披揆柁舟師喜推窻旅客思
可堪桃葉渡正在杏花時堞夾澄霞見甍連麗日窺

長吟宜李白短笛欲桓伊士女喧梅廟香旛湧蔣祠
煙深婁約寺雲暗葛洪池舊內多殘瓦新亭有斷碑

地餘龍虎氣臺剩鳳凰基紫蓋前朝識烏衣古卷詩

武昌魚豈羨京口酒寧辭文賦吳都著家門晉代推

名邦誠若此勝彥復於斯黃憲神情曠俞周顥寄托

竒請夢維頻覲面別每並臨岐空切攀嵇志仍違訪

戴期印湏難假寐彼美易調饒明遠歌非盡玄暉淚

自滋標顯與復在蹤跡或能追搔首津亭晚銷愁賴
滿卮

潤州

聽盡江聲半月中今朝帆落尚西風分明鐵甕城頭
路歸客省來似不同

望惠山

千里江山兩屐綠梁溪一點刺如拳漪瀾堂畔無多
路懶去重題第二泉

許墅

望到鄉關酒欲醒風光依舊短長亭祇應去日寒潮
白不似歸時弱柳青

又

閒筭歸期也半年囊空贏得客程便吳關不比秦關
法未到鷄鳴或放船

客歸

倦遊旋舊墟霜雨倏遷換親賓見我歸摻袂喜相喚
呼酒坐南榮明燈室中爛人生苦睽離追叙幾昏旦
王鮪與晨風亦知愛鄉閭何以龍丘高三年始沉嘆

又

歸來策云歡垂索轉長喟逐食去遠方此行竟何為
知真五窮神憑我正為崇稚子繞膝前衣穿色顛顛
瓶粟久已空畦蔬昨方蒔還羨韓退之酒賤且勤置

又

自我離家門望舒已六圓今還步荒階月色仍如前
歲序去偏駛撫景心悵悵獨念茲遊竒勝地多因緣
名山略探歷長江屢迴沿恍惚夢寐間八極飛神仙
得意一卷詩何必囊中錢



